

## **Messadi concernent ina garanzia da deficit dalla vischnaunca per las festivads Refo500**

Stimada presidenta

Stimadas parlamentarias, stimai parlamentaris

Il 26 da fevver 2015 ha la Cuminonza europeana dallas baselgias evangelicas surdau al marcau da Glion il label “ Marcau da reformaziun europeana”. Grazia a quei label appartegn il marcau da Glion ussa alla reit europeana dils marcaus da reformaziun, actualmein 69 marcaus en 13 tiaras. Quei label confirmescha l’impurtonza da Glion sco tgina dalla reformaziun el Grischun.

Glion ha giugau ina rolla da pionier el process da democratisaziun dil Grischun ed ei ultra da quei staus “il pli impurtont marcau” eifer las Treis Ligias, perquei ch’il “Bundestag” (la dieta dils deputai da tuttas treis ligias) ha priu a Glion tut ils conclus decisivs per la formaziun dil stadi grischun. Quels artechels han sigilau definitivamein il transferiment dils dretgs feudals digl uestg als vischinadis (oz vischnaucas). Il 25 da zercladur 1526 ha il “Bundestag” decretau ils “secunds artechels da Glion” e quels artechels han concediu als vischinadis dretgs impurtonts, denter auter era il dretg d’eleger e relaschar ils spirituals, in dretg ch’ei aunc oz stipulaus en nossa constituziun cantunala. Quels artechels han era effectuu a sias uras, ch’ei ha dau el Grischun ina situaziun confesionala fetg singulara.

La finamira ei d’organisar a Glion ils onns 2017 – 2019 differentas occurenzas davart la reformaziun. 2017 ha liug la sinoda retica (reuniun dils plevons reformai grischuns), in survetsch divin en treis lungatgs che vegn emess sur ils emiturs da televisiun, in teater pign el marcau vegl, plinavon ein previdas guidas da cultura davart la reformaziun; uonn han differentas personas frequentau ina scolaziun sco guids/as da cultura cun il focus tematic reformaziun. Il 2018 e 2019 duei ei dar ina fiasta da scola cun ina producziun da teater en dus lungatgs davart il tema reformaziun, ina sera da referat davart l’historia dallas organisaziuns da lungatg romontschas, in podi davart la bilinguitad en nossa vischnaunca ed in congress scientific interdisciplinar davart il tema “influenza dil humanissem/refuorma/reformaziun silla formaziun dil romontsch sco lungatg da scartira”. In factur da cuosts essenzial per la vischnaunca ei la signalisaziun planisada cun las indicaziuns als lohens impurtonts dil marcau vegl e che meina personas interessadas dalla staziun ni naven dil plaz fiera siado el marcau vegl.

Il project vegn tgiraus d’ina grupp da lavur sut l’egida da PD dr. Jan-Andrea Bernhard, a quella grupp appartegnan representants/as dalla pleiv reformada Glion, dalla baselgia cantunala evangelica, dil Museum regional Surselva, da Surselva Turissem SA e dalla vischnaunca Illanz/Glion.

Ad interim ha la grupp da lavur elaborau in preventiv detagliu per las differentas occurenzas. Quei preventiv fa quen cun cuosts totals da CHF 331'250.00. La cumpart da cuosts restonts per la

vischnaunca muntass a CHF 90'500.00. Ils 19 da settember 2016 ha la suprastanza communal priu enconuschientscha a moda e maniera affirmativa dil concept, dil preventiv e dallas festivitads Refo500 e decidiu da suttametter ina damonda per ina garanzia da deficit da maximalmein CHF 90'500.00 al parlament. La suprastanza communal ei perschuada che las mesiras previdas e cunzun l'entira signaletica contribueschan essenzialmein ad ina megliera vendita da nies marcau vegl e cunquei agl augment dalla creaziun dalla valeta. Da l'autra vart sa il project european Refo500 vegnir utilisaus per recaltgar novs hosps per nossa regiun.

Tenor art. 40 lit. i cefra 1 dalla Constituziun communal (CC) ei il preventiv che stat a disposiziun alla suprastanza communal per 2016 duvraus si. Perquei sto quella damonda per ina garanzia da deficit vegnir decidida definitivamein dil parlament tenor art. 35 lit. i cefra 1, sco credit posteriur. Quella decisiun ei buca suttamessa al referendum facultativ.

Proposta:

Sebasond sillas explicaziuns precedentas propona la suprastanza communal ina garanzia da deficit da 90'500.00 francs per las festivitads Refo500 els onns 2017 entochen 2019. La suprastanza communal vegn incumbensada d'exequir quei conclus.

*Suprastanza communal Ilanz/Glion*

*10-10-2016*

## **Botschaft zu einer Defizitgarantie der Gemeinde zu den Feierlichkeiten Refo500**

Sehr geehrte Frau Präsidentin

Sehr geehrte Parlamentarierinnen, sehr geehrte Parlamentarier

Am 26. Februar 2015 hat die Gemeinschaft Evangelischer Kirchen Europas der Stadt Ilanz das Label „Reformationsstadt Europas“ verliehen. Die Stadt Ilanz gehört somit zum europaweiten Netzwerk der Reformationsstädte mit aktuell 69 Städten in 13 Ländern. Mit diesem Label wurde die Bedeutung von Ilanz als Wiege der Reformation in Graubünden bestätigt.

Ilanz spielte eine Vorreiterrolle im Demokratisierungsprozess Bündens und war die „wichtigste Stadt“ in den Drei Bünden, weil der Bundestag (Versammlung aller Gesandten aus den Drei Bünden) alle für die Staatsbildung Bündens massgebenden Entscheide hier fällte. Diese Artikel besiegelten endgültig die Verlagerung der Herrschaftsrechte von Bischof auf die Nachbarschaften (heutige Gemeinden). Am 25. Juni 1526 hat der Bundestag die „Zweiten Ilanzer Artikel“ verfügt, die den Nachbarschaften bedeutende Rechte zusprachen, unter anderem das Recht, die Geistlichen zu wählen und zu entlassen. Ein Recht, das auch in der heute geltenden Kantonsverfassung festgeschrieben ist. Dieser Artikel war damals einer der Hauptgründe, dass in Graubünden eine einzigartige Konfessionslandschaft entstanden ist.

In den Jahren 2017 – 2019 sollen deshalb in Ilanz diverse Veranstaltungen zum Thema Reformation stattfinden. Im 2017 sind die Durchführung der Synode in Ilanz, ein dreisprachiger Gottesdienst für das Fernsehen, ein Kleintheater in der Altstadt sowie Kulturführungen zum Thema Reformation geplant. So wurden bereits im laufenden Jahr spezielle Kulturführer ausgebildet, welche in der Altstadt Führung mit dem Schwerpunkt Reformation durchführen werden. Weiter sind in den Folgejahren ein Schulfest mit einem zweisprachigen Theater aus der Reformationszeit, ein Vortragsabend zur Geschichte der romanischen Sprachorganisationen, eine Podiumsdiskussion zur Zweisprachigkeit in der Gemeinde sowie ein wissenschaftlicher interdisziplinärer Kongress zum Thema „Einfluss von Humanismus/Reform/Reformation auf die Bildung des Rätoromanischen als Schriftsprache“. Ein wesentlicher Kostenfaktor zulasten der Gemeinde ist die geplante Signalisierung der diversen wichtigen Orte in der Altstadt sowie die Führung von interessierten Personen vom Bahnhof oder Markplatz in die Altstadt.

Das Projekt wird von einer Arbeitsgruppe unter Leitung von PD Dr. Jan-Andrea Bernhard betreut, welcher die evangelische Kirchgemeinde, die evangelische Landeskirche, das Museum regional Surselva, der Tourismus und die Gemeinde angehören.

In der Zwischenzeit hat die Arbeitsgruppe ein Detailbudget für die diversen Anlässe erarbeitet, welches mit Kosten von gesamthaft CHF 331'250.00 rechnet. Die Restkosten für die Gemeinde würden CHF 90'500.00 betragen. Der Gemeindevorstand hat an der Sitzung vom 19. September 2016 das Konzept und das Budget zu den Feierlichkeiten Refo500 positiv zur Kenntnis genommen und beschlossen, dem Parlament einen Antrag für eine Defizitgarantie über maximal CHF 90'500.- zu unterbreiten. Der Gemeindevorstand ist überzeugt, mit den geplanten Massnahmen und namentlich mit der ganzen Signaletik einerseits einen Beitrag zur besseren Vermarktung der Altstadt von Ilanz und somit zur Steigerung der Wertschöpfung beizutragen, andererseits aber auch das europaweite Projekt Refo500 zu nutzen, um neue Gäste in unsere Region zu locken.

Da das verfügbare Budget des Gemeindevorstands gemäss Art. 40 Lit. i Ziff. 1 der Gemeindeverfassung (GV) für das Jahr 2016 aufgebraucht ist, soll die beantragte Defizitgarantie vom Parlament gestützt auf Art. 35 Lit. i Ziff. 1 als Nachtragskredit abschliessend gesprochen werden. Der Beschluss ist nicht dem fakultativen Referendum unterstellt.

Antrag:

Aufgrund der vorangehenden Ausführungen beantragt der Gemeindevorstand eine Defizitgarantie von CHF 90'500.00 für die Feierlichkeiten zu Refo500 verteilt auf die Jahre 2017 – 2019. Der Gemeindevorstand der Gemeinde Ilanz/Glion wird mit dem Vollzug des Beschlusses beauftragt.

*Gemeindevorstand Ilanz/Glion*

*10.10.2016*